



PREZIDÉNSIA KONSELLU MINISTRUS

VI GOVERNUN KONSTITUSIONÁL

DÍLI, LORON 24 FULAN-FEVEREIRU TINAN 2017

KOMUNIKADU IMPRENSA

Sorumutuk Konsellu Ministrus nian iha loron 24 fulan-fevereiru tinan 2017

Konsellu Ministrus hala'o sorumutuk iha loron-sesta ne'e, iha Palásiu Governu, iha Díli, no Ministru Estadu, Koordinadór Asuntu Administrasaun Estadu no Justisa no Ministru Administrasaun Estatál ninia dekretu Governu nian kona-ba **prosedimentu tékniku sira atu hala'o eleisaun prezidénsiál no parlamentár sira iha rai-li'ur** hetan ona aprovasaun, ho objetivu atu garante prosesu votasaun nian no kontajen votu sira, no mós apuramentu rezultadu eleitorál sira rai-li'ur nian ba eleisaun Prezidente Repúblika. Hetan ona mós aprovasaun, husi dekretu Governu ne'ebé **regula realizasaun kampaña eleitorál, ho** durasaun loron 15 no remata loron rua molok tama ba loron eleisaun nian;dekretu Governu ne'e mós regula kona-ba **realizasaun atividade observaun eleitorál nian**, ne'ebé hala'o husi ema singulár sira, representa husi organizaun nasional ka internasionál.

Dekretu Governu nian ne'ebé **regula organizaun no funksionamentu husi sentru votasaun no estasaun votu nian sira** no ida ne'ebé **regula realizasaun prosedimentu votasaun nian sira, kontajen votu no apuramentu ba rezultadu sira** hetan ona mós aprovasaun.

Atubele garante kumprimentu ba justisa eleitorál nian, maka halo ona aprovasaun ba dekretu Governu nian kona-ba **realizasaun fiskalizaun ba prosesu eleitorál**, nune'e mós dekretu kona-ba **atividade kobertura jornalística sira ba prosesu eleitorál nian**. Atu apoia direitu ba votu sidadaun hotu-hotu nian, maka aprova ona dekretu Governu nian kona-ba **prosesu votasaun nian iha ospital no prizaun sira**.

Ikusliu, Konsellu Ministrus aprova ona dekretu Governu nian kona-ba **prezensa exepSIONÁL husi forsa PNTL nian sira iha sentru votasaun**, atu halo seguransa ba ema hotu ne'ebé partisipa iha prosesu eleitorál.



Palácio do Governo,
Avenida Presidente Nicolau Lobato,
Díli, Timor-Leste

pcm.gov.tl@gmail.com
(+670) 33 310 608